

十三經註

5仁12
474
30



門 12
禮 卷

禮
21
90

禮

儀禮卷之十四

漢

鄭氏

註

所錢其
有物部

士虞禮第十四

士虞禮○特豕饋食側亨于廟門外之右東

面魚腊爨亞之北上饔爨在東壁西面饋其位反

亨音烹饋
凡志反

饋猶歸也側亨亨一胖也亨於爨用饋不

於門東未可以吉也是日也以虞易奠祔

禮記卷十四 士虞禮

一 禮記

而以吉祭易喪祭鬼神所在則曰廟尊言
之爨竈炊黍稷曰饔饩北上上齊于屋宇
於虞有亨饔之爨彌吉

設洗于西階西南水在洗西篚在東

及吉也亦當西榮南北以堂深

尊于室中北墉下當戶兩甒醴酒酒在東無

禁幕用絺布加勺南枋

幕七
枋反

酒在東上醴也絺布葛屬

素几葦席在西序下

有几始鬼神也

苴刈茅長五寸束之實于筐饌于西坵上村

齊

苴猶藉也

饌兩豆菹醢于西楹之東醢在西一鉶亞之

醢在西南面取之得左取菹右取醢便其

設之

從獻豆兩亞之四籩亞之北上

豆從主人獻祝籩從主婦獻尸祝北上菹與棗不東陳別於正

饌黍稷二敦于階間西上藉用葦席

敦音對

藉猶薦也古文藉為席

匱水錯于槃中南流在西階之南篋布在其

東

匱音移錯七故反後同篋音丹

流匱吐水口也

陳三鼎于門外之右北面北上設扃鼎

門外之右門西也今文扃為鉉

七俎在西塾之西

不饌於塾上統於鼎也塾有西者是室南鄉

羞燔俎在內西塾上南順

南順于南面取縮執之便也肝俎在燔東

以上序陳鼎亨祭器几筵等事

主人及兄弟如葬服賓執事者如弔服皆卽位于門外如朝夕臨位婦人及內兄弟服卽位于堂亦如之臨力蔭反下同

葬服者既夕曰丈夫髮散帶垂也賓執事者賓客來執事也

祝免澡葛絰帶布席于室中東面右几降出及宗人卽位于門西東面南上免音問澡音早

祝亦執事免者祭祀之禮祝所親也澡治

也治葛以爲首絰及帶接神宜變也然則士之屬官爲其長弔服加麻矣至於既卒哭主人變服則除右几於席近南也

宗人告有司具遂請拜賓如臨入門哭婦人哭

臨朝夕哭

主人卽位于堂衆主人及兄弟賓卽位于西方如反哭位

既夕日乃反哭入則升自西階東面衆主人堂下東面北上異於朝夕

祝入門左北面

不與執事同位接神尊也

宗人西階前北面

當詔主人及賓之事

以上序將祭卽位及衣服之事

祝盥升取苴降洗之升入設于几東席上東

縮降洗解升止哭

縮所六反

縮從也古文縮爲感

主人倚杖入祝從在左西面

主人北旋倚杖西序乃入喪服小記曰虞

杖不入于室耐杖不升于堂然則練杖不

入于門明矣

贊薦菹醢醢在北

主婦不薦齊斬之服不執事也會子問曰

士祭不足則取于兄弟大功以下者

佐食及執事盥出舉長在左

舉舉鼎也長在左在西方位也凡事宗人詔之

鼎入設于西階前東面北上七俎從設左人
抽局鼎七佐食及右人載

載載于俎佐食載則亦在右矣今文局爲
絃古文鼎爲密

本此者逆退復也

復賓位也

俎入設于豆東魚亞之腊特

亞次也今文無之

贊設二敦于俎南黍其東稷

簋實尊黍也

設一鉶于豆南

鉶菜羹也

佐食出立于戶西

饌已也今文無于戶西

贊者徹鼎

反于門外

祝酌醴命佐食啟會佐食許諾啟會卻于敦

南復位

會古外反後放此

會合也謂敦蓋也復位出立于戶西今文

啟為開

祝奠解于鉶南復位主人再拜稽首

復位復主人之左

祝饗命佐食祭佐食許諾鉤袒取黍稷祭于
苴三取膚祭祭如初祝取奠解祭亦如之不
盡益反奠之主人再拜稽首祝祝卒主人拜
如初哭出復位

饗告神饗也此祭祭於苴也饗神辭記所

謂哀子某哀顯相夙興夜處不寧下至適

爾皇祖某甫饗是也鉤袒如今擯衣也苴

所以藉祭也孝子始將納尸以事其親為神疑於其位設苴以奠之耳或曰苴主道也則特牲少牢當有主象而無可乎祝祝者釋孝子祭辭以上序設饌于神陰厭之事

祝迎尸一人衰經奉篚哭從尸衰音崔奉芳勇反

尸主也孝子之祭不見親之形象公無所繫立尸而主意焉一人主人兄弟檀弓曰既封主人贈而祝宿虞尸

尸入門丈夫踊婦人踊

踊不同文者有先後也尸入主人不降者喪事主哀不主敬

淳尸盥宗人授巾淳童純反下同

淳沃也沃尸盥者賓執事者也

尸及階祝延尸尸升宗人詔踊如初尸入戶踊如初哭止

延進也告之以升言詔踊如初則凡踊宗

信禮

人詔之哭止尊尸

婦人入于房

辟執事者

主人及祝拜妥尸尸拜遂坐從者錯篚于尸

左席上立于其北尸取奠左執之取菹擣于

醢祭于豆間擣音乳

妥安坐也北席北也

祝命佐食墮祭墮音志

下祭曰墮墮之猶言墮下也周禮曰既祭

則藏其墮謂此也今文墮為綏特牲少牢

或為羞失古正矣齊魯之間謂祭為墮

佐食取黍稷肺祭授尸尸祭之祭奠祝祝主

人拜如初尸嘗醴奠之

如初亦祝祝卒乃再拜稽首

佐食舉肺脊授尸尸受振祭齊之左手執之

齊才計反

儀禮卷十四 士虞禮

九 晉古樓

存禮

和口樓

右手將有事也尸食之時亦奠肺脊于豆
祝命佐食邇敦佐食舉黍錯于席上

邇近也

尸祭鉶嘗鉶

右手也少牢曰以柶祭羊鉶遂以祭豕鉶
嘗羊鉶

黍羹清自門入設于鉶南菹四豆設于左

音清

泣菹音恣

博異味也清肉汁也菹切肉也

尸飯播餘于筐

飯上聲下同

不反餘也古者飯用手吉時播餘于會古
文播為半

三飯佐食舉幹尸受振祭噉之實于筐

飯間啗肉安食氣

又三飯舉脍祭如初佐食舉魚腊實于筐

音脍

格一音各

義豐卷十四 士虞禮

十 嘗古婁

尸不受魚腊以喪不備味

又三飯舉肩祭如初

後舉肩者貴要成也

舉魚腊俎俎釋三个

釋猶遺也遺之者君子不盡人之歡不竭人之忠个猶收也今俗或名枚曰個音相近此腊亦七體如其牲也

尸卒食佐食受肺脊實于筐反黍如初設

九飯而已士禮也筐猶吉祭之有折俎上

序迎尸入九飯之事

主人洗廢爵酌酒酌尸尸拜受爵主人北面答拜尸祭酒嘗之賓長以肝從實于俎縮右鹽尸左執爵右取肝搗鹽振祭嚼之加于俎賓降反俎于西塾復位尸卒爵祝受不相爵主人拜尸答拜祝酌授尸尸以醋主人主人拜受爵尸答拜主人坐祭卒爵拜尸答拜

有刑

刃反長上聲
下賓長皆同

爵無足曰廢爵醕安食也主人北面以醕
酢變吉也凡異者皆變吉古文醕作酌縮
從也從實肝炙於俎也喪祭進柩右鹽於
俎近北便尸取之也縮執俎言右鹽則肝
鹽併也取肝右手也加於俎從其牲體也
以喪不志於味不相爵喪祭於禮略相爵
者特牲曰送爵皇尸卒爵詭報

和古

筵祝南面

祝接神尊也筵用萑席

主人獻祝祝拜坐受爵主人答拜

獻祝因反西南位

薦菹醢設俎祝左執爵祭薦奠爵興取肺坐
祭臠之興加于俎祭酒嘗之肝從祝取肝搯
鹽振祭臠之加于俎卒爵拜主人答拜祝坐
授主人

喪禮卷十四

士虞禮

十三

皆五

今文無薦鹽

主人酌獻佐食佐食北面拜坐受爵主人答拜佐食祭酒卒爵拜主人答拜受爵出實于篚升堂復位

篚在庭不復入事已也亦因取杖乃東面

立以上序主人初獻尸并獻祝及佐食之事

主婦洗足爵于房中酌亞獻尸如主人儀

爵有足輕者飾也昏禮曰內洗在北堂直

室東隅

自反兩籩棗栗設于會南棗在西

尚棗棗美

尸祭籩祭酒如初賓以燔從如初尸祭燔卒

爵如初

酌獻祝籩燔從獻佐食皆如初以虛爵入于

房

初主人儀

以上序主婦亞獻之事

義禮卷十四

士虞禮

儀禮

賓長洗總爵三獻燔從如初儀

總於力反

和

總爵口足之間有篆又彌飾

婦人復位

復堂上西面位事已尸將出當哭踊

祝出戶西面告利成主人哭

西面告告主人也利猶養也成畢也言養禮畢也不言養禮畢於尸間嫌

有哭

丈夫婦人於主人哭斯哭矣

祝入戶謏謏音速

祝入而無事尸則知起矣不告尸者無遺尊者之道也古文謏或為休

從者奉篚哭如初

初哭從尸

祝前尸出戶踊如初降堂踊如初出門亦如之

倚

和古

前道也如初者出如入降如升三者之節
悲哀同

祝反入徹設于西北隅如其設也凡在南阼

用席匪扶未反

改設饌者不知鬼神之節改設之庶幾歆
響所以為厭飫也凡在南變古文明東面
不南面漸也匪隱也于匪隱之處從其幽
闇

祝薦席徹入于房祝自執其俎出

徹薦席者執事者祝薦席則初自房來

贊闔牖戶

鬼神尚居幽闇或者遠人乎贊佐食者

主人降賓出

宗人詔主人降賓則出廟門

主人出門哭止皆復位

門外未入位

傳形

利古

宗人告事畢賓出主人送拜稽顙

送拜者明于大門外也賓執事者皆去即

徹室中之饌者兄弟也以上序祭訖送尸及改饌為陽厭之事

記虞沐浴不櫛

沐浴者將祭自潔清不櫛未在於飾也唯

三年之喪不櫛期以下櫛可也今文曰沐

浴

陳牲于廟門外北首西上寢右

言牲腊在其中西上變吉寢右者當升左

胖也腊用椹檀弓曰既反哭主人與有司

視虞牲

日中而行事

朝葬日中而虞君子舉事必用辰正也再

虞三虞皆執明

殺于廟門西主人不視豚解

喪禮

卷十四 士虞禮記

十六

皆古禮

主人視牲不視殺凡為喪事略也豚解解前後脛脊脅而已熟乃體解升於鼎也今文無廟

羹飪升左肩臂臠肫骼脊脅離肺膚祭三取諸左臠上肺祭一實于上鼎

臠臠去聲肫音純骼音格

肉謂之羹飪熟也脊脅正脊正脅也喪祭略七體耳離肺舉肺也少牢饋食禮曰舉肺一長終肺祭肺三皆判臠脰肉也古文

曰左股上字從肉從殳殳矛之殳聲

升魚鱠鮓九實于中鼎

鱣市專反鮓音附

差減之

升腊左胖髀不升實于下鼎

髀步禮反

腊亦七體牲之類

皆設局鼎陳之

嫌既陳乃設局鼎也今文局作鉉古文鼎作密

載猶進柩魚進鬻鬻渠之反

猶猶士喪既夕言未可以吉也柩本也鬻

脊也今文柩為眠古文鬻為者

祝俎脾脰脊膾離肺陳于階間敦東

不升於鼎賤也統於敦明神惠也祭以離

肸下尸

淳尸盥執槃西面執匱東面執巾在其北東

面宗人授巾南面

槃以盛棄水為淺汗人也執巾不授巾卑也

主人在室則宗人升戶外北面

當詔主人室事

佐食無事則出戶負依南面依上聲

室中尊不空立戶牖之間謂之依

錡芼用苦茗薇有滑夏用葵冬用苴有柶音薇

音苴

信禮

和

苦苦茶也昔堇類也乾則滑夏秋用生葵
冬春用乾莖古文苦為枯今文或作筭

豆實葵菹菹以西羸醢籩棗烝栗擇羸力禾反

棗烝栗擇則菹荆也棗烝栗擇則豆不羸
籩有籩也

尸入祝從尸

祝在主人前也嫌如初時主人倚杖入祝
從之初時主人之心尚若親存宜自親之

今既接神祝當詔侑尸也

尸坐不說履今文說為稅

侍神不敢燕惰

尸謾祝前鄉尸還出戶又鄉尸還過主人又
鄉尸還降階又鄉尸降階還及門如出戶尸
出祝反入門左北面復位然後宗人詔降鄉去聲

前道也祝道尸必先鄉之為之節過主人

禮記卷十四 士虞禮記

九 晉古書

則西階上不言及階明主人見尸有踧蹠之敬及至也言還至門明其問無節也降階如升時將出門如出戶時皆還向尸也每將還必有辟退之容凡前尸之禮儀在此

尸服卒者之上服

上服者如特牲士玄端也不以爵弁服為上者祭於君之服非所以自配鬼神士之

妾則宵衣耳

男男尸女女尸必使異姓不使賤者

異姓婦也賤者謂庶孫之妾也尸配尊

必使適也以上雜記虞祭儀物之事

無尸則禮及薦饌皆如初

無尸謂無孫列可使者也殤亦是也禮謂衣服卸位升降

既饗祭于苴祝祝卒

義禮卷十四 士虞禮記

記異者之節

不綏祭無泰羹滫瀡從獻

不綏言獻記終始也事尸之禮始於綏祭
終於從獻綏當為墮

主人哭出復位

於祝祝卒

祝闔牖戶降復位于門西

門西北面位也

男女拾踊三

拾其業反下同

拾更也三更踊

如食間

隱之如月一食九飯之頃也

祝升止哭聲三啟戶

聲者噫欬也將啟戶警覺神也今文啟為
開

主人入

親之

祝從啟牖鄉如初

鄉去聲

牖先闔後啟扇在內也鄉牖一名也如初者主人入祝從在左

主人哭出復位

堂上位也

卒徹祝佐食降復位

祝復門西北面位佐食復西方位不復設

西北隅者重閉牖戶褻也

宗人詔降如初

初贊闔牖戶宗人詔主人降之以上記喪祭無尸之事

始虞用柔曰

葬之日日中虞欲安之柔日陰取其靜

曰哀子某哀顯相夙興夜處不寧

相去聲

曰辭也祝祝之辭也喪祭稱哀顯相助祭

者也顯明也相助也詩云於穆清廟肅雍顯相不甯悲思不安

敢用絜牲剛鬣

敢昧冒之辭豕曰剛鬣

香合

黍也大夫士於黍稷之號合言普淖而已此言香合蓋記者誤爾辭次黍又不得在薦上

嘉薦普淖

淖如孝反

嘉薦菹醢也普淖黍稷也普大也淖和也德能大和乃有黍稷故以為號云

明齊淲酒

齊才計反淲所求反醜同

明齊新水也言以新水淲釀此酒也郊特牲曰明水淲齊貴新也或曰當為明視謂兔腊也今文曰明黍稷也皆非其次今文淲為醜

義豐

卷十四 上虞禮記

三

肴与婁

哀薦祫事

祫音合

始虞謂之祫事者主欲祫先祖也以與先祖合為安今文曰古事

適爾皇祖某甫

爾女也女死者告之以適皇祖所以安之也皇君也某甫皇祖字也若言尼甫

饗

勸強之也

再虞皆如初曰哀薦虞事

丁日葬則巳日再虞其祝辭異者一言耳

三虞卒哭他用剛日亦如初曰哀薦成事

當祔於祖廟為神安於此後虞改用剛日

剛日陽也陽取其動也土則庚日三虞壬

日卒哭其祝辭異者亦一言耳他謂不及

時而葬者喪服小記曰報葬者報虞三月

而後卒哭然則虞卒哭之間有祭事者亦

用剛曰其祭無名謂之也者假設言之文
 不在卒哭上者以其非常也令正者自相
 亞也檀弓曰葬日中而虞弗忍一日離也
 是日也以虞易奠卒哭曰成事是日也以
 吉祭易喪祭明日耐於祖父如是虞為喪
 祭卒哭為吉祭今文他為宅以上記成事
 卒哭用剛日

同之事

獻畢未徹乃餞

卒哭之祭既三獻也餞送行者之酒詩云
 出縮于泂飲餞于禰尸且將始耐于皇祖
 是以餞送之古文餞為踐

尊兩甒于廟門外之右少南水尊在酒西
 北枋

少南將有事於北有亥酒即吉也此在西
 尚凶也言水者喪質無鼎不久陳古文甒
 為廡也

洗在尊東南水在洗東篋在西

在門之左又少南

解籩豆脯四脰

脰徒頂反

酒宜脯也古文脰為脰

有乾肉折俎二尹縮祭半尹在西塾

乾肉牲體之脯也如今涼州鳥翅矣

為俎實優尸也尹正也雖其折之必使

縮從也古文縮為𠄎

尸出執几從席從

從去聲

祝入亦告利成入前尸尸乃出几席素几

葦席也以几席從執事也

尸出門右南面

俟設席也

席設于尊西北東面几在南賓出復位

將入臨之位工喪禮賓繼兄弟北門東

北面西上門西北面東上西方東

信神
主人出卽位于門東少南婦人出卽位于主
人之北皆西面哭不止

婦人出者重餞尸

尸卽席坐帷主人不哭洗廢爵酌獻尸尸拜
受主人拜送哭復位薦脯醢設俎于薦東胸
在南尸左執爵取脯搗醢祭之胸其俱反

胸脯及乾肉之屈也屈者在南變於吉

佐食授噉尸授振祭噉反之祭酒卒爵奠於

南方

授噉授乾肉之祭也反之反於佐食佐食

反之於俎尸奠爵禮有終

主人及兄弟踊婦人亦如之主婦洗足爵亞
獻如主人儀無從踊如初賓長洗纒爵三獻
如亞獻踊如初佐食取俎實三筐尸謬從者
奉篚哭從之祝前哭者皆從及大門內踊如

初

義傳

卷十四

士虞禮記

三

禮記

男女從尸男由左女由右及至也從尸不出大門者由廟門外無事尸之禮也古文謾作沐

尸出門哭者止

以薦於外大門猶廟門

賓出主人送拜稽顙

送賓拜於大門外

主婦亦拜賓

女賓也不言出不言送拜之於闈門之內

闈門如今東西掖門

丈夫說經帶于廟門外

既卒哭當變麻受之以葛也夕日則服葛

者為耐期今文說為稅

入徹主人不與

入徹者兄弟大功以下言主人不與則知

丈夫婦人在其中古文與為豫

婦人說亡經不說帶

不說帶齊斬婦人帶不說也婦人少變而重帶帶下體之上也大功小功者葛帶時亦不說者未可以輕又變於主婦之質至耐葛帶以卽位檀弓曰婦人不葛帶以上哭祭未徹記卒

無尸則不餞猶出几席設如初拾踊二

以餞尸者本為送神也丈夫婦人亦從

席而出古文席為筵

以上記卒哭祭無尸可餞之事

死三日而殯三月而葬遂卒哭

謂士也雜記曰大夫三月而葬五月而卒

哭諸侯五月而葬七月而卒哭此記更從

死起異人之間其義或殊

將且而耐則薦

薦謂卒哭之祭

卒辭曰哀子某來日某癸耐爾于爾皇祖某

長書卷十四 士虞禮記

五 曾子甚

雨尚饗

卒辭卒哭之祝辭降升也尚庶幾也不稱

饌明主為告附也今文降為齊

女子曰皇祖妣某氏

女孫附於祖母

婦曰孫婦于皇祖姑某氏

不言爾曰孫婦差疏也

其他辭一也

來日某階附尚饗

饗辭曰哀子某主為而哀薦之饗

饗辭勸強尸之辭也圭絜也詩曰吉圭為

簠凡古祭饗尸曰孝子

明日以其班附

卒哭之明日也班次也喪服小記曰附必

以其昭穆亡則中一以土凡附已復于寢

如既祫主反其廟練而後遷廟古文班或

信

為辨辨氏姓或然今文為胖

和古楊

沐浴搔剔剔子

彌自飾也搔當音爪今文曰沐浴搔剔或為蚤揃揃或為鬚

用專膚為折俎取諸脰脰脰音益

專猶厚也折俎謂主婦以下俎也體盡人多折骨以為之今以脰脰貶於純吉今文字為折俎而說以為所俎亦甚誣矣古文

脰脰為頭盞也

其他如饋食

如特牲饋食之事或云以左胖虞右胖祔今此如饋食則尸俎所俎皆有肩臂豈復用虞臂乎其不然明矣

用嗣尸

虞祔尚質未暇筮尸

曰孝子某孝顯相夙興夜處小心畏忌不惰

喪禮卷十四 士虞禮記

三十一 信古妻

其身不寧

稱孝者吉祭

用尹祭

尹祭脯也大夫士祭無云脯者今不言牲號而云尹祭亦記者誤矣

嘉薦普淖普薦漶酒

普薦餼羹不稱牲記其異者今文漶為醜適爾皇祖某甫以濟祔爾孫某甫尚饗

欲其耐合爾告之曾子問曰天子崩國君薨則祝取羣廟之主而藏諸祖廟禮也卒哭成事而後主各反其廟然則士之皇祖於卒哭亦反其廟無主則反廟之禮未聞以其幣告之乎

替而小祥

小祥祭名祥吉也檀弓曰歸祥肉古文替皆作基

義禮

卷十四

土虞禮記

三

皆古婁

復刑
曰薦此常事

禾古木

祝辭之異者言常者暮而祭禮也古文常為祥

又暮而大祥曰薦此祥事

又復也

中月而禫

禫尊上聲

中猶間也禫祭名也與大祥間一月自喪至中凡二十七月禫之言澹澹然平安意

也古文禫或為導

是月也吉祭猶未配

是月是禫月也當四時之祭月則祭猶未以某妃配某氏哀未忘也少牢饋食禮祝祝曰孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗
以上記喪期及祝辭之事

儀禮卷之十四終

儀禮卷之十五

漢鄭氏註

特牲饋食禮第十五

特牲饋食之禮不誼曰

祭祀自孰始日饋食饋食者食道也誼謀也士賤職褻時至事暇可以祭則筮其日矣不如少牢大夫先與有司於席門誼丁巳之日

儀禮

禮記

及筮日主人冠端立卽位于門外西面

冠端立立冠立端下言立者立冠有不立

端者門謂席門

子姓兄弟如主人之服立于主人之南西面

北上

所祭者之子孫言子姓者子之所生小宗

祭而兄弟皆來與焉宗子祭則族人皆侍

有司羣執事如兄弟服東面北上

士之屬吏也

席于門中闈西闕外

闈魚列反

為筮人設之也古文闈作梁闕作蹙

筮人取筮于西塾執之東面受命于主人宰

自主人之左贊命命曰孝孫某筮來日某諏

此某事適其皇祖某子尙饗

筮人官名也筮問也取其所用問神明者

謂著也宰羣吏之長自由也贊佐也達也

儀禮卷十五

特牲饋食禮

二

筮人

贊命由左者為神求變也士祭曰歲事此言某事又不言妃者容大神之後禫月之吉祭皇君也言君祖者尊之也某子者祖字也伯子仲子也尚庶幾也

筮者許諾還即席西面坐卦者在左卒筮寫卦筮者執以示主人主人受視反之筮者還東面長占卒告于主人占曰吉長上

士之筮者坐著短由便卦者主畫地識爻

爻備以方寫之反還長占以其年之長幼旅占之

若不吉則筮遠日如初儀宗人告事畢

遠日旬之外日以上序筮日之事

前期三日之朝筮尸如求日之儀命筮曰孝孫某諷此某事適其皇祖某子筮某之某為尸尚饗

三日者容宿賓視濯也某之某者字尸父

而名尸連言其親庶幾其馮依之也大夫士以孫之倫為尸以上序筮尸之事

乃宿尸

宿讀為肅肅進也進之者使知祭日當來

凡宿或作速記作肅周禮亦作宿

主人立于尸外門外子姓兄弟立于主人之後北面東上

不東面者來不為賓客于姓立于主人之

後土當其後

尸如主人服出門左西面

不敢南面當尊

主人辟皆東面北上辟芳益反

順尸

主人再拜尸答拜

主人先拜尊尸

宗人擯辭如初卒曰筮子為某尸占曰吉敢

宿

宗人擯者釋主人之辭如初者如宰贊命
筮尸之辭卒曰者著其辭所易也

祝許諾致命

受宗人辭許之傳命於尸始宗人祝北面
至於傳命皆西面受命東面釋之

尸許諾主人再拜稽首

其許亦宗人受於祝而告主人

尸入主人退

相揖而去尸不拜送尸尊以上序宿尸之事

宿賓賓如主人服出門左西面再拜主人東
面答再拜宗人擯曰某薦歲事吾子將涖之
敢宿賓曰某敢不敬從主人再拜賓答拜主
人退賓拜送

薦進也涖臨也言吾子將臨之知賓在右
司中今特肅之尊賓耳以上序宿賓之事

義禮卷十五 特牲饋食禮

五

嘗古禮

儀禮

禮記

厥明夕陳鼎于門外北面上有甗於在其南南順實獸于其上東首牲在其西北首東足甗亡狄反於於樹反

厥其也宿賓之明日夕門外北面當門也

古文甗為密順猶從也於之制如今大木

甗矣上有四周下無足獸腊也其西於西

也東足者尚右也牲不用於以其生

設洗于阼階東南壺禁在東序豆邊劍在東

房南上几席兩敦在西堂

釧音刑敦音對後放此

東房房中之東當夾北西堂西夾室之前

近南耳

主人及子姓兄弟即位于門東如初

初筮位也

賓及眾賓即位于門西東面北上

不象如初者以賓在而宗人祝不在

宗人祝立于賓西北東面南上

義禮卷五

特性饋食禮

六

筮古書

事彌至位彌異宗人祝于祭宜近廟

主人再拜賓答再拜三拜眾賓眾賓答再拜

眾賓再拜者士賤旅之得備禮也

主人揖入兄弟從賓及眾賓從即位于堂下如外位

為視濯也

宗人升自西階視壺濯及豆籩反降東北面告濯具

濯漑也不言敦釧者省文也東北面告縱

賓意欲聞也言濯具不言絜以有几席

賓出主人出皆復外位

為視牲也

宗人視牲告充雍正作豕

充猶肥也雍正官名也北面以策動作豕

視聲氣

宗人舉獸尾告備舉鼎窠告絜

義豐卷十五

特牲饋食禮

七

皆言婁

傳

備具

請期曰羹飪

肉謂之羹飪熟也謂明日質明時而日肉
熟重豫勞賓宗人既得期西北面告賓有
司

告事畢賓出主人拜送

以上序拜賓視濯
視牲請期之事

夙興主人服如初立于門外東房南面視側

殺主婦視饔饗于西堂下

饔尺
志反

夙早也興起也主人服如初則其餘有不
玄端者側殺殺一牲也炊黍稷曰饔宗婦
爲之爨竈也西堂下者堂之西下也近西
壁南齊于坵古文饔作糒周禮作

亨于門外東方西面北上

亨同
烹

亨煮也煮豕魚腊以饗各一爨詩云誰能
亨魚漑之釜鬻

義豐卷十五

特牲饋食禮

八

皆古禮

傳示

羹飪實鼎陳于門外如初

初古棟

初視濯也

尊于戶東玄酒在西

戶東室戶東玄酒在西尚之凡尊酌者在左

實豆邊鉶陳于房中如初

如初者取而實之既而反之

執事之俎陳于階間二列北上

執事謂有司及兄弟二列者因其位在東

西祝主人主婦之俎亦存焉不升鼎者異

於神

盛兩敦陳于西堂藉用萑几席陳于西堂如

初藉音夜反 萑音丸

盛黍稷者宗婦也萑細葦古文用為于

尸盥匱水實于槃中簞巾在門內之右

設盥水及巾尸尊不就洗又不揮門內之

義禮卷十五

特牲饋食禮

九

皆古婁

右象洗在東統于門東西上凡鄉內以入為左右鄉外以出為左右

祝筵几于室中東面

為神敷席也至此使親接神

主婦纚笄宵衣立于房中東面主人及賓兄

弟羣執事即位于門外如初

纚所綺反

主婦主人之妻雖姑存猶使之主祭祀纚笄首服宵綺屬也此衣染之以黑其繪本

名曰宵詩有素有朱宵記有玄宵衣凡婦

人助祭者同服也內則曰舅沒則姑老家

婦所祭祀賓客每事必請於姑

宗人告有司具主人拜賓如初揖入即位如

初佐食北面立于中庭

具猶辨也初視濯也佐食賓佐尸食者立

于宗人之西以上序陳設位次之事

主人及祝升祝先入主人從西面于戶內主

婦盥于房中薦兩豆葵菹蝸醢醢在北蝸力木反

祝先入接神宜在前也少牢饋食禮曰祝

盥于洗升自西階主人盥升自阼階祝先

入南面主婦盥盥于內洗昏禮婦洗在北

堂直室東隅

宗人遣佐食及執事盥出

命之盥出當助主人及賓舉鼎

主人降及賓盥出主人在右及佐食舉牲鼎

賓長在右及執事舉魚腊鼎除窠宗人執畢

先入當阼階南面鼎西面錯右人抽扃委于

鼎北贊者錯俎加七長上聲

及與也主人在右統於東主人與佐食者

賓尊不載少牢饋食禮魚用鮒腊用麋士

腊用兔畢狀如义蓋為其似畢星取名焉

主人親舉宗人則執畢導之既錯又以畢

臨七載備失脫也雜記曰柶用桑長三尺

畢用桑長三尺刊其本與末杙畢同材明矣今此杙用棘心則畢亦用棘心舊說云畢似御他神物神物惡桑又則少牢饋食及虞無又何哉此無又者乃主人不親舉耳少牢大夫祭不親舉虞者祭也主人未執事祔練祥執事用桑又自此純吉用棘心又右人謂主人及二賓既錯皆西面俟也贊者執俎及七從鼎入者其錯俎東縮

加七東柄既則退而左人北面也

乃杙

右人也尊者於事指使可也左人載之

佐食升所俎粟之設于阼階西卒載加七于

鼎所音祈

所謂心舌之俎也郊特牲曰所之為言敬也言主人之所以敬尸之俎古文粟皆作密卒已也已載畢亦加焉

主人升入復位俎入設于豆東魚次腊特于俎北

入設俎載者腊特饌要方也凡饌必方者明食味人之性所以正

主婦設兩敦黍稷于俎南西上及兩鉶芼設

于豆南南陳芼亡報反

宗婦不贊敦鉶者以其少可親之芼菜也

祝洗酌奠奠于鉶南遂命佐食啟會佐食啟

會卻于敦南出立于西南面會古外反

酌奠奠其爵觶少牢饋食禮啟會乃奠之

主人再拜稽首祝在左卒祝主人再拜稽首

稽首服之甚者祝在左當為主人釋辭於

主也祝祝曰孝孫某敢用剛鬣嘉薦普淖

用薦某事於皇祖某子尚饗以上序陰厭之事

祝迎尸于門外

尸自外來代主人接之就其次而請不拜

義禮卷十五 特牲饋食禮 十三 嘗五書

不敢與尊者為禮周禮掌次凡祭祀張尸次

主人降立于阼階東

主人不迎尸成尸尊尸所祭者之孫也祖之尸則主人乃宗子禰之尸則主人乃父道事神之禮廟中而已出迎則為厭

尸入門左北面盥宗人授巾

侍盥者執其器就之執筆者不授巾賤也

宗人授巾庭長尊少牢饋食禮曰祝先入

門右尸入門左

尸至于階祝延尸尸升入祝先主人從尸即

席坐主人拜安尸尸答拜

延進在後詔侑曰延禮器所謂詔侑武方者也少牢饋食禮曰尸升自西階入祝從主人升自祚階祝先入主人從安安坐也

執奠祝饗主人拜如初

饗勸彊之也其辭取于士虞記則宜云孝孫某圭為孝薦之饗舊說云明薦之

祝命授祭尸左執觶右取菹換于醢祭于豆間

命詔尸也授祭祭神食也古虞禮古文曰祝命佐食墮祭周禮曰既祭則藏其墮墮與授讀同耳授醢者染於醢

佐食取黍稷肺祭授尸尸祭之祭酒啐酒告

百主人拜尸奠解答拜祭鉶嘗之告百主人

拜尸答拜

啐音翠

肺祭川肺也旨美也祭酒穀味之芬芳者齊敬共之惟恐不美告之美達其心明神享之鉶肉味之有菜和者曲禮曰客祭羞主人辭不能亨

祝命爾敦佐食爾黍稷于席上

爾近也近之使尸之食也

設大羹滫于醢北舉肺脊以授尸尸受振祭

齊之左執之

大音泰滫去及反

大羹滫煮肉汁也不和貴其質設之所以敬尸也不祭不齊大羹不為神非盛者也
士虞禮曰大羹滫自門入今文滫皆為汁
肺氣之主也脊正體之貴者先食陷之所
以導食通氣

乃食食舉主人羞所俎于腊北

舉言食者明凡解體皆連肉所俎主於尸
主人親羞敬也神俎不親設者貴得賓客
以神事其先

尸三飯告飽祝侑主人拜

三飯告飽禮一成也侑勸也或曰又勸之
使又食少牢饋食禮侑辭曰皇尸未實侑
也

佐食舉幹尸受振祭齊之佐食受加于所俎

義禮

卷十五 特牲饋食禮

十六

皆古

傳刑
舉獸幹魚一亦如之

幹長脅也獸腊其體數與牲同

尸實舉于菹豆

為將食庶羞舉謂肺脊

佐食羞庶羞四豆設于左南上有醢

庶衆也衆羞以豕肉所以為異味四豆者

臠炙截醢南上者以臠炙為上以有醢不

得淨也

尸又三飯告飽祝侑之如初

禮再成也

舉骼及獸魚如初

骼音格後同

尸又三飯告飽祝侑之如初

禮三成獸魚如初者獸骼魚一也

舉肩及獸魚如初

不復飯者三三者士之禮大成也舉先正

脊後肩自上而卻下淨而前終始之次也

義禮卷十五

特牲饋食禮

十七

皆古禮

和古禮

佐食盛所俎俎釋三个

釋古禮

佐食取牲魚腊之餘盛於所俎將以歸尸
俎釋三个為改饌於西北隅遺之所釋者
牲腊則正脊一骨長脅一骨及臠也魚則
三頭而已个猶枚也今俗言物數有若干
個者此讀然

舉肺脊加于所俎反黍稷于其所

尸授佐食佐食受而加之反之也肺脊初

在菹豆以上序迎尸
正祭之事

主人洗角升酌醕尸尸拜受主人拜送尸祭
酒啐酒賓長以肝從尸左執角右取肝換于
鹽振祭濟之加于菹豆卒角祝受尸角曰送
爵皇尸卒爵主人拜尸答拜醕士
列反

醕猶衍也是獻尸也云醕者尸既卒食又
却頤衍養樂之不用爵者下大夫也因父
子之道質而用角角加人事畧者今文醕

禮記卷十五 特牲饋食禮

六

皆古禮

待禮

稽古

皆為酌肝肝炙也古文無長日送爵者節

主人拜

祝酌授尸尸以醋主人主人拜受角尸拜送

主人退佐食授授祭主人坐左執角受祭祭

之祭酒啐酒進聽嘏

醋才各反嘏古雅反

醋報也祝酌不洗尸不親酌尊尸也古文

醋作酢退若進受爵反位尸將嘏主人佐

食授之授祭亦使祭尸食也其授祭亦取

黍稷肺祭古文授作綏聽猶待也受福曰

嘏嘏長也大也待尸授之以長大之福也

佐食搏黍授祝祝授尸尸受以菹豆執以親

嘏主人主人左執角再拜稽首受復位詩懷

之實于左袂挂于季指卒角拜尸答拜主人

出寫醬于房祝以邊受

搏大官反挂音小

獨用黍者食之主其辭則少牢饋食禮有

焉詩猶承也謂奉納之懷中季小也實于

義禮

卷十五 特牲饋食禮

九

稽古

左袂挂祛以小指者便卒角也少牢饋食
禮曰興受黍坐振祭齊之變黍言齊因事
託戒欲其重稼嗇嗇者農力之成功

筵祝南面

主人自房還時

主人酌獻祝祝拜受角主人拜送設菹醢俎
行神惠也先獻祝以接神尊之菹醢皆主
婦設之佐食設俎

祝左執角祭豆興取肺坐祭齊之興加于俎
坐祭酒啐酒以肝從祝左執角右取肝換于
鹽振祭齊之加于俎卒角拜主人答拜受角
酌獻佐食佐食北面拜受角主人拜送佐食
坐祭卒角拜主人答拜受角降反于筐升入
復位

以上序主人
初獻之事

主婦洗爵于房祝亞獻尸尸拜受主婦北面

拜送宗婦執兩邊戶外坐主婦受設于敦南
 祝贊邊祭尸受祭之祭酒啐酒兄弟長以燔
 從尸受振祭嚼之反之羞燔者受加于所出
 尸卒爵祝受爵命送如初酢如主人儀主婦
 適房南面佐食按祭主婦左執爵右撫祭祭
 酒啐酒入卒爵如主人儀獻祝邊燔從如初
 儀及佐食如初卒以爵人于房

亞次也次猶貳主婦貳獻不夾拜者士妻

儀簡耳北面拜者辟內子也大夫之妻拜
 於主人北西面兩邊棗栗棗在西邊祭棗
 栗之祭其祭之亦於豆祭燔炙肉也出者
 俟後事也送者送卒爵尸酢主婦如主人
 儀者自祝酌至尸拜送如酢主人也不易
 爵辟內子撫按祭示親祭佐食不授而祭
 於地亦儀簡也入室卒爵於尊者前成禮
 明受惠也及佐食如初如其獻佐食則拜

主人之北西面也

以上序主婦亞獻之事

賓三獻如初燔從如初爵止

初亞獻也尸止爵者三獻禮成欲神惠之均於室中是以奠而待之

席于戶內

為主人鋪之西面席自房來

主婦洗爵酌致爵于主人主人拜受爵主婦拜送爵

主婦拜拜於北面也今文曰主婦洗酌爵宗婦贊豆如初主婦受設兩豆兩邊

初贊亞獻也主婦薦兩豆邊東面也

俎入設

佐食設之

主人左執爵祭薦宗人贊祭奠爵興取肺坐絕祭濟之興加于俎坐挽手祭酒啐酒肝從左執爵取肝換于鹽坐振祭濟之宗人受加

于俎燔亦如之興席末坐卒爵拜主婦答拜受爵酌醋左執爵拜主人答拜坐祭立飲卒爵拜主人答拜主婦出反于房

絕肺祭之者以離肺長也少儀曰牛羊之肺離而不提心豕亦然挽拭也挽手者為絕肺染汙也剝肺不挽手古文挽皆作說於席末坐卒爵敬也一酌而備再從而次之亦均

主人降洗酌致爵于主婦席于房中南面主婦拜受爵主人西面答拜宗婦薦豆俎從獻皆如主人主人更爵酌醋卒爵降實爵于筐入復位

主人更爵自酢男子不承婦人爵也祭統曰夫婦相授受不相襲處酢必易爵明夫婦之別今文授為受

三獻作止爵

義禮卷十五

特牲饋食禮

三

皆占婁

賓也謂三獻者以事命之作起也舊說云
賓入尸北面三皇尸請舉爵

尸卒爵酢酌獻祝及佐食洗爵酌致于主人
主婦燔從皆如初更爵酢于主人卒復位

洗乃致爵為異事新之燔從皆如初者如
亞獻及主人主婦致爵也凡獻佐食皆無
從其薦俎獻兄弟以齒設之賓更爵自酢
亦不承婦人爵以上序賓
三獻之事

主人降阼階西面拜賓如初洗

拜賓而洗爵為將獻之如初視濯時主人
再拜賓答拜三拜眾賓眾賓答再拜者

賓辭洗卒洗揖讓升酌西階上獻賓賓北面
拜受爵主人在右答拜

就賓拜者此禮不主於尊也賓卑則不專
階主人在右統於其位

薦脯醢設折俎

義禮卷十五 特牲饋食禮

二

皆古禮

凡節解者皆曰折俎不言其體畧云折俎非貴體也上賓幣眾賓儀公有司設之

賓左執爵祭豆奠爵與取肺坐絕祭齎之興加于俎坐挽手祭酒卒爵拜主人答拜受爵酌酢奠爵拜賓答拜主人坐祭卒爵拜賓答拜揖執祭以降西面奠于其位位如初薦俎從設

主人酌自酢者賓不敢敵主人主人達奠

意位如初復其位東面少牢饋食禮宰夫

執薦以從設于祭東司士執俎以從設于

薦東是則皆公有司為之與

眾賓升拜受爵坐祭立飲薦俎設于其位辯

主人備答拜焉降實爵于筐辯音遍後皆同

眾賓立飲賤不備禮鄉飲酒記日立卒爵

者不拜既爵備盡盡人之答拜人獻賓及

眾賓之事

尊兩壺于阼階東加勺南枋西方亦如之

為酬賓及兄弟行神惠不酌上尊卑異之就其位尊之兩壺皆酒優之先尊東方示惠由近禮運曰澄酒在下

主人洗觶酌于西方之尊西階前北面酬賓賓在左主人奠觶拜賓答拜主人坐祭卒觶拜賓答拜主人洗觶賓辭主人對卒洗酌西面賓北面拜主人奠觶于薦北賓坐取觶還

東面拜主人答拜賓奠觶于薦南揖復位

先酌西方者尊賓之義西面者鄉賓位立於西階之前賓所答拜之東北奠酬于薦左非為其不舉行神惠不可同於飲酒還

東面就其位薦西奠觶薦南明將舉

以上序酬

賓之事

主人洗爵獻長兄弟于阼階上如賓儀

酬賓乃獻長兄弟者獻之禮成于酬先成

賓禮此主人之義亦有薦胥設於位私人為之與

洗獻兄弟如衆賓儀

獻卑而必為之洗者顯神惠此言如衆賓獻則如獻衆賓洗明矣

洗獻內兄弟于房中如獻衆兄弟之儀

內兄弟內賓宗婦也如衆兄弟如其拜受坐祭立飲設薦俎於其位而立內賓位在

房中之尊北不殊其長畧婦人也有司徹

曰主人洗獻內賓於房中南面拜受爵

主人西面答拜更爵酢卒爵降實爵于篚入

復位

爵辯乃自酢以初不殊其長也內賓之長

亦南面答拜以上序獻長兄弟衆兄弟內兄弟之事

長兄弟洗觚為加爵如初儀不及佐食洗致

如初無從

大夫士三獻而禮成多之為加也不及佐食無從殺也致致於主人主婦

眾賓長為加爵如初爵止

尸爵止者欲神惠之均於在庭以上序長兄弟眾賓

嗣舉奠盥入北面再拜稽首尸執奠進受復位祭酒啐酒尸舉肝舉奠左執觶再拜稽首進受肝復位坐食肝卒觶拜尸備答拜焉舉

奠洗酌入尸拜受舉奠答拜尸祭酒啐酒奠之舉奠出復位

嗣主人將為後者舉猶飲也使嗣子飲奠者將傳重累之者大夫之嗣子不舉奠辟諸侯食肝受尊者賜不敢餘也備猶盡也每拜答之以尊者與卑者為禮畧其文耳古文備為復啐之者答其欲酢已也奠之者復神之奠觶嗣齒於子姓凡非主人升

降自西階以土序嗣子舉奠之事

兄弟弟子洗酌于東方之尊阼階前北面舉觶于長兄弟如主人酬賓儀

弟子後生也

宗人告祭齊乃羞齊之承反

齊俎也所告者眾賓兄弟內賓也獻時設薦俎于其位至此禮又殺告之祭使成禮也其祭皆離肺不言祭豆可知羞庶羞也

下尸截醢豆而已此所羞者自酌主人至於內賓無內羞

賓坐取觶阼階前北面酬長兄弟長兄弟在右

薦南奠觶

賓奠觶拜長兄弟答拜賓立卒觶酌于其尊東面立長兄弟拜受觶賓北面答拜揖復位其尊長兄弟尊也此受酬者拜亦此面

義禮卷十五 特性饋食禮 三九 曾古婁

傳禮

長兄弟西階前北面眾賓長左受旅如初長兄弟卒解酌于其尊西面立受旅者拜受長兄弟北面答拜揖復位

旅行也受行酬也初賓酬長兄弟

眾賓及眾兄弟交錯以辯皆如初儀

交錯猶言東西

為加爵者作止爵如長兄弟之儀

於旅酬之間言作止爵明禮殺並作

長兄弟酬賓如賓酬兄弟之儀以辯卒受者實解于篚

長兄弟酬賓亦坐取其奠解此不言交錯

以辯賓之酬不言卒受者實解于篚明其

相報禮終於此其文省
以上序兄弟弟子舉解旅酬之事

賓弟子及兄弟弟子洗各酌于其尊中庭北面西上舉解於其長奠解拜長皆答拜舉解者祭卒解拜長皆答拜舉解者洗各酌于其

傳示

利古禮

尊復初位長皆拜舉解者皆奠解于薦右長皆執以興舉解者皆復位答拜長皆奠解于其所皆揖其弟子弟子皆復其位爵皆無算奠解進奠之於薦右非神惠也今文曰奠于薦右復其位者東西面位弟子舉解於其長所以序長幼教孝弟凡堂下拜亦皆作北面算數也賓取解酬兄弟之黨長兄弟取解酬賓之黨唯已所欲亦交醋以辯

無次第之數因今接會使之交恩定好也

勸之以上序賓弟子兄弟弟子各舉解遂無算爵之事

利洗散獻于尸酢及祝如初儀降實散于篚

利佐食也以利以今進酒也更言獻者以

利待尸禮將終宜一進酒嫌於加酒亦當

三也不致爵禮又殺也以上序佐食獻尸祝之事

主人出立于戶外西南

事尸禮畢

義禮卷十五 特牲饋食禮

三

皆古禮

傳禮
利
祝東面告利成尸謏祝前主人降祝反及主人入復位命佐食徹尸俎俎出于廟門謏所六反利猶養也供養之禮成不言禮畢於尸閒之嫌謏起也前猶導也少牢饋食禮曰祝入尸謏主人降立于阼階東西面祝先尸從遂出於廟門前尸之儀士虞禮備矣俎所以載所俎少牢饋食禮曰有司受歸之徹庶羞設於西序下

為將餞去之庶羞主為尸非神饌也尚書傳曰宗室有事族人皆侍終日大宗已侍於賓奠然後燕私燕私者何也已而與族人飲也此徹庶羞置西序下者為將以燕飲與然則自尸祝至於兄弟之庶羞宗子以與族人燕飲於堂內賓宗婦之庶羞主婦以燕飲於房以上序祭畢尸出之事

筵對席佐食分簋鉶

義禮

卷十五

特牲饋食禮

三

皆右婁

為將餽分之也分簋者分敦黍於會為有對也敦有虞士之器也周制士用虞變敦言簋容同姓之士得從周制耳祭統曰餽者祭之末也不可不知也是故古之人有言曰善終者如始餽其是已是故古之君子曰尸亦餽鬼神之餘也惠術也可以觀政矣

宗人遣舉奠及長兄弟盥立于西階下東面

北上祝命嘗食養者舉奠許諾升入東面長兄弟對之皆坐佐食授舉各一膚

命告也士使嗣子及兄弟養其惠不過族

親古文養皆作餽

主人西面再拜祝曰養有以也兩養奠舉于俎許諾皆答拜

以讀如何其久也必有以也之以祝告養釋辭以戒之言女養此當有所以也以先

祖有德而享於此祭其坐奠其餘亦當以之也少牢饋食禮不戒者非親昵也舊說曰主人拜下奠席南

若是者三

丁寧戒之

皆取舉祭食祭舉乃食祭鉶食舉

食乃祭鉶禮殺

卒食主人降洗爵宰贊一爵主人升酌醑上

奠上奠拜受爵主人答拜酌下奠亦如之

少牢饋食禮曰贊者洗三爵主人受于戶

內以授次奠舊說云主人北面授下奠爵

主人拜祝曰醑有與也如初儀

主人復拜為戒也與讀如諸侯以禮相與之與言女醑此當有所與也與者與兄弟也既知似先祖之德亦當與女兄弟謂教化之

兩褻執爵拜

答主人也

祭酒卒爵拜主人答拜兩褻皆降實爵于篚
上褻洗爵升酌酢主人主人拜受爵

下褻復兄弟位不復升也

上褻卽位坐答拜

既授爵戶內乃就坐

主人坐祭卒爵拜上褻答拜受爵降實于篚

主人出立于戶內西面

事人者禮畢

以上序褻之事

祝命徹阼俎豆邊設于東序下

命命佐食阼俎主人之俎宗婦不徹豆邊

徹禮略各有為而已設于東序下亦將燕

也

祝執其俎以出東面于戶西

俎告利成少牢下篇曰祝告利成乃執俎

以出

宗婦徹祝豆籩入于房徹主婦薦俎

宗婦既並徹徹其卑者士虞禮曰祝薦席

徹入于房

佐食徹尸薦俎敦設于西北隅几在南扉用

筵納一尊佐食闔牖戶降

非扶
出反

扉隱也不知神之所在或諸遠人乎尸謾而改饌為幽闇庶其鄉其之所以為厭飫少

牢饋食禮曰南面如饋之設此所謂當室

之白陽厭也則尸未人之前為陰厭矣曾

子問曰殤不備祭何謂陰厭陽厭也

祝告利成降出主人降即位宗人告事畢賓

出主人送于門外再拜

答送賓也凡去者不答拜

佐食徹阼俎堂下俎畢出

記俎出節兄弟及眾賓自徹而出唯賓俎

有司徹歸之尊賓者

以上序徹俎及賜厭之事

記特牲饋食其服皆朝服玄冠緇帶緇鞶

於祭服此也皆者謂賓及兄弟筮日筮尸

視濯亦玄端至祭而朝服朝服者諸侯之

臣與其君日視朝之服大夫以祭命賓兄

弟緣孝于欲得嘉賓尊客以事其祖禰故

服之緇鞶者下大夫之臣夙與主人服如

初則固玄端

唯尸祝佐食玄端玄裳黃裳雜裳可也皆爵

鞶

與主人同服周禮士之齊服有玄端素端

然則玄裳上士也黃裳中士雜裳下士

設洗南北以堂深東西當東榮

榮屋翼也

水在洗東

祖天地之左海

義豐卷十五

特牲饋食禮記

三

皆古

篚在洗西南順實二爵二觚四觶一角一散
 順從也言南從統於堂也二爵者為賓獻
 爵止主婦當致也二觚長兄弟酌眾賓長
 為加爵二人班同迎接並也四觶一酌奠
 其三長兄弟酬賓卒受者與賓弟子兄弟
 弟子舉觶於其長禮殺事相接禮器曰貴
 者獻以爵賤者獻以散尊者舉觶卑者舉
 角舊說云爵一升觚二升觶三升角四升

散五升

壺於禁饌于東序南順覆兩壺焉蓋在南明
 日卒奠冪用綌卽位而徹之加勺

覆壺者盪瀝水盪為其不宜塵冪用綌以
 其堅潔禁言於者祭尚厭飫得與大夫同
 器不為神戒也

邊巾以綌也纁裹棗烝栗擇

邊有巾者果實之物多皮核優尊者可烝

裹之也烝擇互文舊說云纁裹者皆玄被

鉶芘用苦若薇皆有滑夏葵冬苴苴音桓

苦苦茶也苴董屬乾之冬滑於葵詩云周

原膾膾董茶如飴云今文苦為芾芾乃地

黃非也

棘心七刻

刻若今龍頭

牲爨在廟門外東南魚腊爨在其南皆西面

饎爨在西壁

饎炊也西壁堂之西牆下舊說云南北直

屋柶穆在南

所俎心舌皆去本末午割之實于牲鼎載心

立舌縮俎

午割從橫割之亦勿沒立縮順其牲心舌

知食味者欲尸之饗此祭是以祭之

賓與長兄弟之薦自東房其餘在東堂

東堂東夾之前近南

沃尸盥者一人奉槃者東面執匱者西面淳沃執巾者在匱北宗人東面取巾振之三南面授尸卒執巾者受尸入主人及賓皆辟位出亦如之

匱北執匱之北亦西面每事各一人淳沃稍注之今文淳作激宗人代授巾庭長尊辟位遂遁

嗣舉奠佐食設豆鹽

肝宜鹽也

佐食當事則戶外南面無事則中庭北面凡祝呼佐食許諾

當事將有事而未至呼猶命也

宗人獻與旅齒於衆賓

尊庭長齒從其長幼之次

佐食於旅齒於兄弟

尊兩壺于房中西牖下南上

爲婦人旅也其尊之節亞西方

內賓立于其北東面南上宗婦北堂東面北上

二者所謂內兄弟內賓姑姊妹也宗婦族人之婦其夫屬于所祭爲子孫或南上或北上宗婦宜統於主婦主婦南面北堂中房而北

主婦及內賓宗婦亦旅西面

西面者異於獻也男子獻于堂上旅於堂下婦人獻于南面旅於西面內賓象衆賓宗婦象兄弟其節與其儀依男子也主婦酬內賓之長酌奠于薦左內賓之長坐取奠于右宗婦之娣婦舉解於其娣婦亦如之內賓之長坐取奠解酬宗婦之娣交錯以辯宗婦之娣亦取奠解酬內賓之長交

錯以辨內賓之少者宗婦之娣婦各舉奠於其長並行交錯無算其拜及飲者皆西面主婦之東南

宗婦贊薦者執以坐于戶外授主婦

尸卒食而祭饌爨雍爨

雍孰肉以尸享祭竈有功也舊說云宗婦祭饌爨亨者祭雍爨用黍肉而已無籩而俎禮器曰燔燎於爨夫爨者老婦之祭盛

於盆尊於瓶

賓從尸俎出廟門乃反位

賓從尸送尸也士之助祭終其事也俎尸俎也賓既送尸復入反位者宜與主人為禮乃去之

尸俎石肩臂臠肫脰正脊二骨橫脊長脅二骨短脅

尸俎神俎也士之正祭禮九體貶於大夫

有禮

和古

有併骨二亦得十一之名合少牢之體數
此所謂放而不致者凡俎食之數奇脊無
中脊無前貶於奠者不貶正脊不奪正也
正脊二骨長脊二骨者將舉於尸尸食未
飽不欲空神俎

膚三

為褻用二厭飫一也

離肺一

離猶挫也小而長午割之亦不提心謂之

舉肺

刊肺三

為尸主人主婦祭今文刊為切

魚十有五

魚水物以頭枚數陰中之物取數於月十
有五曰而盈少牢饋食禮亦云十有五而
俎尊卑同此所謂經而等也

禮記

卷十五

三

特牲饋食禮記

傳禮
腊如牲骨

不但言體以有一骨二骨者

祝俎脾脰脊二骨脅二骨膚一離肺一

凡接於神及尸者俎不過牲三體以特牲

約加其可併者二亦得奇名少牢饋食禮

羊豕各三體

阼俎臂正脊二骨橫脊長脅二骨短脅膚一

離肺一

主人尊欲其體得祝之加數五體又於其

可併者二亦得奇名臂左體臂

主婦俎殼折其餘如阼俎

殼戶各反

殼後足折分後右足以為佐食俎不分左

臠折辟大夫妻餘謂脊脅膚肺

佐食俎殼折脊脅膚一離肺一

三體卑者從正

賓幣長兄弟及宗人折其餘如佐食俎

長上聲

義豐卷十五

特牲饋食禮記

四

皆古雙

禮記

幣左幣也賓俎全體尊賓不用尊體為其已甚卑而全之其宜可也長兄弟及宗人折不言所分略之

衆賓及衆兄弟內賓宗婦若有公有司私臣皆殺脊膚一離肺一

又略此所折骨直破折餘體可殺者升之俎一而已不備三者賤祭禮接神者貴凡骨有肉曰殺祭統曰凡為俎者以骨為主

貴者取貴骨賤者取賤骨貴者不重賤者不虛示均也俎者所以惠之必均也善為政者如此故曰見政事之均焉公有司亦士之屬命於君者也私臣自己所辟除者公有司門西北面東上獻次衆賓私臣門東北面西上獻次兄弟升受降飲

獻在後者賤也祭祀有上事者貴之亦皆與旅以上記祭祀儀物之事

義豐卷十五 特牲饋食禮記 四十五 簋左雙

儀禮卷之十五終

